

nis motus ueri Saturni, Ipse quoq; directus est, cum eius argumentum egressum sit arcum retrogressus eius, Iam uero cum primo gradu π , medio uidelicet Martis per centrum æquato, ingredior tabulam minorum proportionaliū, in qua reperio 14 minuta subtrahenda, Dein de eius æquabile argumentum, 6 scilicet gradus π , quæro in tabula multiplicationis minorū proportionaliū sub titulo subtractionis, & inuenio 2 gradus circa principium π , qui etiam 6 π gradui inseruiunt, Hos itaq; duco in 14, proueniunt 28 minuta subtrahēda, cum uerus Martis, scilicet 26 π gradus, excedat medium Martis per centrū æquatum, primum nempe π . Sed cum ea deficient à tricenario, ea omitto, uerumq; Martis antea repertum æquatum esse etiam duco.

¶ Medius motus Solis & Veneris, uerusq; Solis scrutandi sunt.



INDICEM mobilis rotulæ pone ad diem datum immobili rotulæ, & uide gradus æquationis centri Veneris, quos sextans è mobili ablati fecat circa characterē Veneris, quos, si in flaua regione reperti fuerint, adde, aut in alba subtrahere, à medio motu Solis, & proueniet uerus Solis & medius Veneris.

¶ Exemplum de Sole.



INDICEM mobilis rotulæ applico diei 20 Iulij, qui in immobili rotula indicat 8 gradum Ω , medium uidelicet Solis. Sextans uero circa characterem φ indicat 1 gradum albæ regionis, quem subtrahō à medio motu Solis, & proueniunt 7 gradus Ω , Verus nempe Solis, mediusq; Veneris tempore dato.

¶ Verus motus Veneris inquirendus est.



VERVS Solis hoc in loco pro medio Veneris ponitur: si igitur uerum Veneris inquirere uelis, indicem mobilis rotulæ applica uero Solis, seu medio Veneris immobili rotulæ, & instrumentum ita immotum seruato. Deinde quære argumentum Veneris, ingrediendo tabulam radicis argumenti Veneris, cum anno proposito, & super id quod circa eum reperies, extendendo filum epicycli, hisq; ita immotis, quærendo diem mensis dati in tabula argumenti Veneris in mensibus & diebus, & literas gradusue in angulo eius communi reperta, numerando in rotula uolubili, eaq; dirigendo sub filum epicycli, quod super radicem argumenti Veneris positum est, & index uolubilis ostendet argumentum Veneris medium tempore dato, quod ad Abacum supputatorium annotato, deinde filum centri extende super punctū Veneris in uolubili rotula signatū, quod in signifero immobilis